

hina matkhialna hinkhua dukdaklote haw, damdawi mat khialnate haw hile sukbei kit thei hi dingini gingchau em? Politics tuinîn tak maite haw hi sukchim/thiangtho kit thei a hidiam? Zilna lampang ah tusang ahin pan nasa zaw ah lak thakkit thei a hi diam? Kristian hina hi tusang ah phazaw'n hindawkpi thei a hi diam? Zia dawtna chi chuam chuamte haw hi a dawnhuna dik pen chu bang a hi diam leh? A mawpuatu kua a hi diam?

BillyGraham kamsuak : "Pauchap lai ah I taksa I kawidan sangin I lungthim put dan in umzia a nei thûk zawi." "Naupang ama nu leh pa ngei zâ nachang helo khawpa khanlet sak a hi chun mi dangte zâna tak tak a nei puai."

Mother Teresa pauchapna: "La thu hihen; Lalpa, nangin ka hina dinga lei dawisak chu mualsua dingin la hepina hin ka chamlo in lei

sawl a hi hi. La hanta ngansia in nungram ngakit puangka. Tu kipat ahin la chipi mi genthei te chu keima chi leh namte hung hi ta'nau. Ka chenna chu mi gentheite lak hilo gentheite lakah le genthei pen pen te lak ah, ten um leh buak kai a hi ziakua khawvel in a nungngatte kiang ah, tuisik le val thei talo khawp ah dam zolote lak ah, hik leh kha, khumcha te lak ah lum ziangte lak ah hung hit'an a. Kap nuam maleu kana ding mitthitui natiang le neizo talo khawp ah genthei leh, mite'n khawi thiango a ti teu chu ka unaute hita'n tiu in; amau haw chu mangcha ah nangma hun pawl dingin ka hung kipiai."

.....

Editorial

Hinna Vak simtute zosia Lalpa Jesu min in chibai.

Corona Virus natna ziakah May 25 apat September 21 tiang ni 181 sung veng veng Mipi Pathian Biakna mumal tak nei thei talo ah i um nung leh kido thuthang nasa takin thigawpi guala ei nawi zing lai ah September tha Beigual i vak mat kit thei uhi a lopi ma ma ah Lalpa lopina i piau ahi. Khawpi sung ah Biakin lian hawle ahung ki hawng sau sau ta, Biakin sunggei ah Pathian vak biak khawm kit chu thasiat le aum hial mai tai.

Office hi achang leh khak sek a chang leh hawn sek ahia, kochuam ten vang Lalpa nasepna bangchan ahemin keniam maleh kal i suan zing ui ti Pathian gam thawlawm hunglut zel apatin ahia thei ah Lalpa Jesu minin kipak thu ka hung gen hi.

HinnaVak fee le kum dang sangin a hunglut hawi zaw kipak aum hi. Agent ten min list ken angai ta pua, kochuam min leh a sumzat bep keng in Office ah Recipient Nu S. Lemnu kiang ah piaklut sek tak ding ah guanggal ahi. A hun takah ahung ki sua theilo chang a hung um kit ta, a chang leh office apat ahun ah thawtdawk theilo chang tawh ei su nawng kai deu sek bawk ah ki ngaithiam hi tiu. Tuhin Dak lam mawpawtu ding Manipur Area Office apat guanggal thak ahia, Evan. Jesse Mang in ma ahung la, HinnaVak le ahun ah i simthei zel tak ding uh kinep um taka hi. Tuchung ahin September leh October tha kigawm in issue pakhat ah hung ki sua ahia, thakit lam a chun hawitak ah a chia thei zel i kinem uh ahi.

Kum 2020 bei na ding ni 100 tinglo deu inei sung uahin, Kochuamte taksa leh Thagau ah malsawmna tamtak dawng dingin Lalpan la mau hung pui in hung umpi chiat tau hen.

(REV. S. LAMA VAIPHEI)
Editor

KIPUMPIAKNA

-Rev. Eric Lienlalmuon

Ki piakna ti hin, I kiphalna, ki latdawna, self sacrifice ti haw zosia a huam vek ahi. Ka gen masak nuam chu, I kipiak nau hi Kipumpiakna hi leh dawu um kasa ahi. Pathian in a dawu chu ahi leh I kipumpiak na hi ahi. Ki pumpiakna umzia chu I leng cha kei a ki lat daw, I lungthim ngaituana, I taksa, , I nei leh lam, I talent, I tha leh zung, I thagau tianga, a lenga, khekchak nei kei lo a, 100 percent Pathian a dinga I latdaw hi kipumpiak na chu ahi.

1. A kilawm tiang bep a Christian khanglai: Maipha hawl a taimatna, pachak law ut na ziak a felna, mualpho ding lau na ziak a sem ham ham. khanglai te lak a hin survey kibawl gun hen lang hileh zia category hin ki tampen ding in ka gingcha. Social work ding ti leh taimataka va pang tho, lazil na le pang tho, biakin le kai hawi tho, ahia vangam kai di lawm lawm a chu ki gingcha ngam chet sam lo, zia haw zosia chu thagau pangkei lo a, I mihing taimat na sua a bawl thei vek ahi. Sual bawl

zing kawm a mi fel tak hileh kilawm taka hinkhua mat zing thei tho ahi banghem tiang chu, ahin zia chu nun genthei um tak ahi. Zia chu pathian pawmtak kipiakna a ting zo puai.

Zia chu kipiakna pang lo a Pathian nasepna ahi. Khanglai lawi upa achung bep zutmam thiam I hung pun deu deu khak diu hi a lau um takzet ahi. Lal Jesun vanna apa na thi tiang a kipumpiak a asem a, ama sepbak sem haw hin Jesu Khrista kipumpiakna hi I ettawn u a pawimaw hi.

hilo, lungthim akipat ah hung pawt chu hepina dik chu a hi' a tia. Nu epina hi lunggil sunggil pen a kipat hung pawt chu a hi.'

Social Worker : Eimi tangval pakhat, India gam pawlam ah um chun a nu zia gual hin lekhathawt a thawt ah, "Henu, zia thu '... kina kiu in, dan ni tak leh mun chuam chuam ah la hung um phat tak ua leh hung kisik ding la hiu; tia ka unau chahawu ua lei zilsak lai ah ka nuizat sek uh kha ka hia zing nalai hi. Tuhin vang chu la thugen kha a dik zia hi ka hethiam tai. Ka hinkhua ahin suan ding lul tak mai ka nei hi. Mi gawlgukna kiti him him kala nuam ngai puai, ka lungthimin thiamlo ei chansak ding thilte hawle kahi nuam ngai puai. Ziate haw hi lei zilsakna te ziak liau liau a hi. Zia gual hinkhua hin ei chenkhum zing tading inle ka kinem hi," ti in. Zia gual a chapa khat in a nu lekha a thawt thei ziak hi a nu sepgim ga liau liau a hia, a

kuldan dungzui zelin a fui sek ah, a thunun sek hi.

Nu phatchuam ngaina zia kin khawtang hinkhua a siampha sek a hi. D.L. Moody inle, "Nu zosia hi ka nu gual hileu vang chu suangkul (Jail) um ngai puana," a tihial him a hi. Nu chu gam leh nam a ding in nasemtu lopi tak mai hi a tit tak zet chu a hi. Abraham Lincoln chun, "Tu dinmun ah ka din theina ziak chu ka nu ziak ahi" ti in a la gen a hi.

Sep gimna panglo hialin sum tampi tak la lalut ahi thei a, mihing hinkhua a vang chu sepgimna panglo in gapha leh dawu um tak chu lakhawm ngai ngai pu'na. Sum mang in thil tampi tak la chaw thei a, hinkhua pha a hileh vang chu sum ah chaw thei a hi puai.

Nu te hi a pawimaw nalawm lawm uh e! I gam ah gitlona chi chuam chuam Numei leh pawsal

nalai uh a hi. Lekhabu a kipat in thiamna leh pilnate I zil dawk ua, zia gual chet a chun Nu leh Pa chu chate lekhabu a hui. Lim-et (mirror) ah I kimu thei gual in, I chate hindan in mite'n eimu sek ui. Chate chu Nu leh pa lim-et (mirror) a hikit ui. George Herbert chun, "Nu pha pakhat hin zilsaktu a za ah simte chu a khumkhel a hi" a ti hial a hi.

Puankhuitu : Insungkuan ah naupangte neulai a hin van nik leh puante haw hile a sia nuam diak sek a. Ziagual machun Pa pen van te hawle siamthak piak zel a ngai sek hi. Zia gual huna chun a khuina kekte leh a puan kek narante haw chu nu chun a khui thiam ngei ngei ding a hi. Puanak kil ketha te haw tiangin nu chun a khui thiam ngei ngei ding a hi. Zia zosiate chu nu mawpuakna chu a hi zia kin sungkuan thil mamaw bang hem zat tiang chu ama'n a hi ziang thei dinga a kizil thiam le a ngai a hi.

Chief Minister : State khat sunga gam kivaihawmna chungchang ah thuneitu pen chu Chief Minister a hia. Zia guala chun Insung khat ah hinle nu hi vaihawmtu leh tawi lumletna ah a tawi tam pen leh mawpuate pen a hi. Pa pen chun a la hiatpi in, a la pawmpi zel sek a hi. Anchang chawk te, mechawk te, um leh bell eh nik leh puan etc. te haw chawk I ti chu nu khut in a um a, zia chungchang ah vaihawm leh malak lampang him him chu nu malak dan dan in sungkuan dinmun chu a siam a hi.

Pastor leh Upa : Pa mawl pen leh nu pillo pen inle a chateu chu thilpha a zilsak ua. Sakhuana lam thil vang vang chu a ngai pawimaw diak pen uh a hi. Ama chate Biakin kikhawm dinga zilsak ah, Pathian thu hil sektu a hi. Sungkuan a ding ah chun Pastor, Pathian thu gentu leh Kochuam Upa gual ah vilthatu a hi. Aristotle chun, 'Kam sung akipat hung pawt

2. Ki piakna panglo a talent: Kipiakna pang lo a talent hawi tak nei haw hi pawl sung a ding a virus taw bang ahiu. Phatchuamngaina, kipumpiakna leh thunuaigawl na panglo talent hawitak nei chu thalek gama sanatum puak khawp set nei a mawk puak vel vel tawh kibang ahi. La mi ma ma, lasak le thiam hi lele la zil na regular pei lo, Pathian thu gen thiam ma ma, ahia ama thugen zan ahilo le chu biakin le kai pei bek lo, khanglai lawiupa, leadership quality nei hawi ma ma, vaihawp le thiam, hi le le khanglai te activities a ahun pe tam pei lo. Lekha thiam a thiam thei ahia lekha sim pei kei lo.

Aizawl a khun, mihausa pakhat in BMW car khat a nei a, tawldaw a tai vel thei na ding um lo, a zia chu a lampi in zil lo, a kawi na mun a zut a zut mai lo leh a mat na ding dang um lo ahi, kipiak na panglo a talent thupi

tak nei taw ki bang chet ahi. Kochuam, khawtang, insak inthang a dinga nawksak thei ding kham bep a khawhetna mang thei. Zia haw cha cha hin hotu lam dinmun hung lua thei ten sek nalai ua, a khawk khawp mai hi.

3. A kipumpiak mawng mawng: "1Cor. 2:7, Pathian in mi mawl te mipilte suk mualpho na ding in a tel sek hi, a hat te mualpho na di'n a zawngte a tel sek hi", lekhatiam, qualification sang tak nei la hilo maithei, mi gual a thugen thiam le la hilo maithei, nei zo leh pianken a mel zaum tak pu la hi khel lo maithei, puitu khat hi na dinga nang ah quality khat cha le neilo a la ki ngaitua maithei, Bang dang cheng sanga i mawpuakna chung a i kipumpiakna kha ahi i lawtin na ei tut ding zaw chuh.

Jesu Christa khan khawvel a a mission giksak tak mai a sep mualsua thei

na dinga a dawn zangkhai thei ding bangma anei puai, Isaiah 53:1-3. Bang bawl dinga khawvel a hung ahem ti a hia, a misson a pawimaw zia a he chian a, thil dang zosia sang in a mawpuakna a kawu sang pen hi. Matthai 12:46-50, Pathian thu a a holim laitak in mi pakhat chun inmai a la nu leh la inkuan ten ahung mu nuam ui ahung tia, Jesu chun kuate chu ahiu em ka inkuante chu, a nungzuite a kawu a, zia te haw hi ahi ka inkuante haw chu ati mai ahi, John 4:34 na khan Jesun, ei sawlpa dawu dan a ana sep mualsua hi kei ding in ka an chu ahi ati ahi. Zia chu ahi kipumpiakna dik tak chu.

4. Kipiak na i ti hi a a lut dan(value) a et a pawimaw hi: La thil bawl, la contribution kha mi dang a tawh te ding ahi puai. A pawimaw pen chu la batphak tiang a theipatawp a la kipiakna kha ahi. Zia gual

kipiakna chu simmaw ding ahi puai, zachak pi ding le ahi puai. Meithai nun sumeng paisa pani thawlawm a ahung khiak kha Jesu'n thawlawm pe zosia laka a petam pen hi ati kha, a piakna lungthim zawk kha ahi Jesu'n a dawu chuh.

Thu dik tak in, I thei na'n a bat phak tiang tiang in ki pumiak tak in Lalpa na sem zel hitiu.;

nu pen chu Pa leh Chate'n a sawl lumlet vel ziang uh vang a hi pen ziang himaw? Zia thil zosiate hi mualsua ding a chun nu pen chun sawm lumlet nasep chu a sem ah. Hepina chun a dawthei ah, a ngil nei ah. A lungna nuam pua'n, a thuak ham ham sek hi. Nu chun kipumpiakna bukim in sungkuan a enkawl ah, a tung ding ah, a lûl namaizen e!

Nek leh dawn siamtu : Ma I sawn zel ua, nek leh dawn le a tui thei lampen I du deu deu tau a. I nei phak tawu tiang ah tui leh etla um zawdiak a nek leh dawn siamthiam hi a luûl a hi. Taksa'n a phatpi ding leh a kichawhel tui dan ding ngaitua thiam a pawimaw. Zia thil zosia hi nu lungsung a chun a luangkawm a, a lunggil ah a suangkuan te haw chu a takin a hun sulang sek.

Vaihawmtu pha : Chate a neu lai hun uh leh a hung let hun tiang unle chate kal ah

hin insung ah buaina a hung pawt chang hi a umsek ah. Zia gual hun a chun Nu chu vaihawmtu a hi sek hi. Vai a hawm ah, lem a guat sek a, thubuai chu a sufel sek hi. Court Judge gual mai in nisin in thubuai sukfel ding hi a nei zing sek hi. Ziakiakchun Nu chu vaihawmtu pil leh dik a hi a ngai hi. Timothy Dwigchun ama lawtinna thuguk chu "Nu thudik ka nei zia a I," a tia.

Zilsaktu pha : Mithiamte chun 'sungkuan hi zilna In masapen a hi' a tiu. Upa K. Saibela chun "Aw henu, Aw heap, naupang neucha cha ka hui. La khuta, la khut ngei ahin ka dannung hinkhua ding chu a kinga hen, banggual mi ka hung hi diam aw? Nangin lei etkawl danin hung kinga ding a hi" ti in naupang dinmun ah ding gual hial in a la kikodaw hial a hi. Insungkuan a kipat pau dante, nungchangte, khawsak dan te I zildaw chiat ua. A bulpi pen chu nu hi a hi pen

sungkuan ah ‘bangkim’ a hi pen ziang hi. Amau panglo in sungkuan chu a hawm ah, Nu umlona sungkuan a chunPa leh chate chu a lunghel ma mau a, a thamuang thei puau; Nu chu lungsiatna ah sungkuan kankhawmtu a hi. ‘Lungsiatna I ti hi lakmang hi ziang taleh’ I leisiat (khawvel) mat zinglai uh hi than in gual bep hi ziang in a’ Robert Browning chun a ti hial a hi. In chu matchakte manga sak a hia, sungkuan ahileh vang chu lungsiatna ah kankhawm a hi. Zia kankhawmtu khauhual chu nu lungthim a kipat in a hung pawt sek a. Nu chu cha hingtu leh nawitui ah chawmliantu ahi ziakin chate a ding ah a kipiakna le a thuk ma ma ziang a hi. E.H. Chafin chun, ‘Nu hepina hin thil a hithei dan leh dawu umdan tak hi chu bangma paukam hin le a hil chian zolo him him ziang a hi’ a tii.

Kipiakna bukim : Mihing I hi sung ahin bawlsawmna

te’n ei takbuak chang hi a umthei sek a. Zia hun chu a hungtun phat chuleh nu chu Doctor gualin a duty sek a, nurse gualin ei enkawl sek. Nu kipiakna lul dan chu ziagual hin a la phuak hial uh a hi, “... ka damlo changing, a khawvak a, ka kap ah, ei la awi ipmu sek, chawl tak mai in, hatlo pump um inle, ka nu, ka nu dawu tak chu,” ti in. A gilkiat leh a haksatna a gen phal ngai puai. Lainatna mit ah en in, duat tak mai in a vel lumlet sek, ”Nute lungthim hi Pathian khutsuak hawi tak mai chu a hi” ti in Erminio Cripp chun a la gen hial a hi.

Sungkuan ah thil hiding hi a tamna mai zen a! Chatgana hin nau nei tam hina a sumelsia diak ah; hiziang leh le, vak hausak phut ziang thei la ahi diak pua, nau kizing hina chulah mawk pumpel ziang thei le a hi diak pawngal in, ... a sia siamphat a ngai ah, “... ka dawu hi,” “... ei hun lak piak tia,” ti in a nuam taphawt in

KI HIATDAWNA NEI AH PATHIAN NASEP A PAWIMAW PEN HI

-Rev. S. Lianminthang Vaiphei

Thumapui : Thildang zosia sang in Pathian matchak mi hiding nawp leh pawimaw ma ma khat ahi. Pathian tatdawsa hi kihatichian nung ah Ama dawidan ah hinkhua mat ban ah Thagau mangthai mantu/puitu hi dingin leh Lal Jesu kengbul ah mi tam tak pui thei dingah guat leh kochuam I hiu in, Lalpa Pathianin nang leh kei ah kinepna anei zing hi ti hiat apoimaw masa a hi.

1. Pathian in mihingte hi mangthai ahitau ti ei musak hi:

Pathian in mihingte hih Manthaina khuk thuk pen ah mangthai ta, gitlo ah thita I hidan hih ei musak hi. Mihingte hi gitlo a thi, bangma bawlthei talo, nawp dan dan ah vak chawai ta, a siamtu hepaha talo, thil phalo lam bawlna ah chiamangta, kilekit leh ki hiatchian aki phamaw khat chu ahi. (Romte, 3 : 10 - 12).

2. Pathian Hukdamna Buting Hiatawda:

Mihing hi siatna ah

tummangta, gitlo a thi, atawp tiang ah suksiak ah um hita, hinna nei dingah kinepna him um talo, siamthakna ding ah sukking kitna ding ah kinepna him him um talo kha, siamthakna ding ah lampi umsun chuh, Pathianin hukdamna bukim ei piak chu ahi. Mihing gitlo ah thita chu Pathian chate hitheina ahung siampiak ta ahi. Sawlchak Paulin, “Khrista chanchinpha chu ka zachatpi puai, kuale a ging zosia hukhinna dingah Pathian thil hitheina ahi zawi, ati.” (Romte, 1 : 16). Gospel longal bangma damna ding dang tingzo aum puai.

Pathian Chanchinpha chu mihingte kinepna leh damna buting pen tak chu ahi.

3. Thil pakhat a dingah hinna pe daw:

Paulin, “ thil pakhat hi ka bawl” gual ah Thagau mang man ding sawlchak nasepna lam ah lawting tak tak ding ah chun thil pakhat bep bawl mi, thil dang ngaitualo a, thil khat tup tin ten mi hi ngei a kiphamaw ahi. Mihing tupna nei chu damsung ah mi lawting ahi tei sek uh ahi. “Sepai ah pang ding ah ei telpa chuh a kipak sak theina ding, sepaia kua'n le, kido lai in damsung khawsaknate ah hin, a kisubuai ngai puai.(2 Timothy, 2 : 4).

4. Hinna kipat daltu taphawt sukbeidi ahi:

Sam 66 : 8 - Ka thinlung ah gitlona ka ngaisak chun Lalpa'n ei ngaitha pu'a'n a. Ka pauchapnate le hiat guan a bil le daw diak pu'a'n a. Ka lungthim ah phatlona leh gitlona ka vawp zing ahi

chun; lungthim ah gitlona zosia sukthian ding chu apoimaw hi.

5. Hinna Pathian ading ah piakdaw ngam di ahi:

Eima nawp dan dan ah I um lai sia chuh Pathianin eima ah bangma bawl theilo ahi. Pathian dawidan ah I kipiak ahi chun, I sawlchak nasepna Thagau mantu hi ding ah I sepnau chu Aman ei lawtinsak ngei ding ahi.

6. Pathian pomtak ah Pauchapna nei di:

Pauchapna lawting sangah phazaw thil dang bangma a umlo ahi. Jakob chu hezing in, Pauchap in Pathian a buan ahi khah! Ziakiakchun, Pathian pomtak leh malsawmna donna ding in Pathian chu buan angai in, thuak zaw leh kipiak law le angai hi.

7. Pathian Thu nasepna (Ministry) bawl di:

Pathian thu ahin, Ama mat ding nasep chu suk

MIHING HINKHUA SIAMPITING DINGA NU PAWIMAWNA

Pathian in a thilsiamte enkawl ding in mihing, pawsal leh numei a siam ah. Pathian in a dawid dan tak ah a siam leh a hun tundawkte I hui. Siamtu lungthim chu pu'n khawvel hi han thil tia, a kilawm ah, a nuam in a lim um nalawm lawm e! Siamtu Pathian lungthima kipat chun thilsiam zosiate hi a lul in a man a tam thei ma ma ziang a hi. Eimau haw hih ama khutsuak chu ihui a. Thilsiam dangte enkawl ding ah mawpuakna neite chu ihui. Thilsiam dangte bep le hilo in eima chate ngei leh I kibatpi mihingte enkawl, zilsak leh kaihuai ding ah mawpuakna lian tak mai tuktute I hui.

A pawimaw pen : sia leh pha hiatna nei ah siam a um mihingte hin mite ei hiat leh ngai pawimaw ah um hi chu nuam I sak lam tak uh a hi chiat hi. Michaga leh chanlam neilo pen hi ziang le hinle mi hiat phaklo hi ah umna mun chu nuam isa him him lo a hi. Zia chu mihing lungthim put dan zia dik tak chu a hi. Mi pawimaw chun mi hiat, mi ngaisan leh dawisak a law ma ma ah. Chawihawi inle a um sek. Zia gual dinmun ah dingte chun haksatna tam tak mai a la hawtheng zo tau a hi. Ei uh nute haw mawpuakna lian tak mai nei zing in, mi pawimaw tak I hilo uh a hi

maithei ah. Hi ziang leh le, khawvel hi fangsuak ziang lehin le, eimau sang ah pawimaw zaw leh tit zawk kuama a umlo nau mun chum un khat bep a um hi. Zia mun chu I Insung kuan chiat uh hi a hi. Sungkuan ah nu a pawimawna hi gen sen ding gual a hi puai. Chuleh, gendaw sen ding gual le a hilo chu a hi. Kawng chuam chuam ah sungkuan enkawl ah, vawptupte a hi ziakun sungkuan zosia ah mi pawimaw pen chu nute hi a hui.

Kânkhawmtu : Sungkuan ah chun Pa a um ah, Nu a um ah, Chate a umkit ua. Nu chu

KOCHUAM NUMEI NI**-Pi Hoilian, General Secretary, CKNP**

I gin chak phak keilo uh **Hipi Covid-19** ziakin iki singsak gualtak un kum 2020 “Numei Ni” hunbik chu bial khenkhat mangthei loding dinmun ah ium taua, daum isa ma ma ahi. Kitup tak ah bangma achia zawm thei taklo ziak ahin ilung ule zing chiat di ahia, himaleh maban ah Lalpa'n hunlem eihun guatpiak ngeidi lam etzing pum in tunin holimna tawmcha nei hitiu.

Mizoram Presbyterian Kochuam Numei Pawl chun 1997, November tha Ziltawpni nunungpen akhan Numei Ni ala mangpan ua, tuni tiangin mat zing ahii. Zia chu entawn in, Manipur Area Kochuam Numei Pawl inle ahun kituak in kum 8 (2009-2016) sung ila mang ui. Himaleh, Manipur gam ading ah November tha hi naupang kumtawp exam leh bu lak hun ahiziak in alemchang tak tak theipua. Central Kochuam Numei Pawl Committee in Manipur Area Committee kiangah ani ding lemchang zaw dawtna kibawl chu October tha, Ziltawpni 4 veina ah matding ah eiguat piak dungzui un 2017 apat tutiang in matto zel ahung hitai (MAC 46:4). Tuhin Numei Ni tawh kisai chu chiantak in **Ani** leh **Atha** ineitau ah, kochuam mite zosian ziahun hi melchik zing kawm ah ki singsa tading inle iki chial ui.

Tukum 2020 Numei Ni Thupi ahileh “*Lalpa'n adawina aum ah abi.* (Marka 11:3)” ti ahii. Nang leh kei le Lalpa'n ei dawina aum chiat ahi. Isep thei dan chiat ua mawpuakna inei chiat ui. Isep theidan kibang lo maleh Lalpa mitmu ah panna bei kuama aum puai. Katit puai, kagen thei puai tilo in mani theidan chiat ah panding chu ibawl dingua lawm ahi. Hatzaw lona inei maithei, sum leh pai lama le igiau chau maithei, himaleh ziachu melma'n ei theppuk na matchak ah pephal puaitiu. Kalsuan daw khello inle mani insung chiat ah Pathian nasepna pawimaw - *inkuan kikhawp* leh *Anchangham* nasepna te ahin pan lazawm zel hitiu. Lalpa mitmu ah idinmun hezing kawm in, kingaitawm na tawh kihawng tak ah Lalpa na semchiat din iki chial ui.

butin ding ahi. A thu chuh I matchak ahia, I hiat ngeidi le ahi. Pathian thu chu sim hitin, ngaitua hitiu. A thu hiat leh sim sangah phazaw thil dang bangma aum puai. Lei leh van mangthai maleh Pathian thu chu mangthailo ding ti ahi. A thu in kidiano zing hitiu, chutieleh Lalpa Pathian matchat dingin bailam tak ah umthei nachu taksa leh thagau vangphatna le ahi.

8. Thuhilna hoitak mang ah khawvel kiang ah nasepna:

Khoitak leh bang ti dan ah Pathian na lasem em? Khrista Gospel gen ding latup chu bang ahem? Mite pachat nawpna ziak bep ahem ahiloleh la taksa hinna di mai leh akilawm sak mai chu ahun tawk puai.

9. Thagau Thiangtho sathau nuna chang Pathian nasepna:

Thagau Thiangtho chu Pathian ah nasepna lemguat zosia subuting tu, atak ah

chansaktu chu ahi. Sawlchakte nasep Lekhabu, Apostlete nasep zosia hi Thagau Thiangtho malatna, halthakna hung um thei a hi'u.

10. Pathian Lopina ding ah sem dingin kipumpiak in:

Lalpa lopina ding ah nasep gua la hi leh chun Pathian Lopina la piak masak ngai ding ahi. Achutilo chun lawsapna hiding ahi. Ahinlah, Pathian matchak hi ding lanawp chun , nangma kibawlphat le angai hi.

Thutawpna: Mi lawting, Pathian matchak houtu leh sawlchak leh Khristian lawting hina dingah chun halthakna leh ngaikhokna nei ah sem leh bawl leh Pathian lau kawm ah hinkhua mat chu lawtinna ahi. Lalpa'n Ama nasem leh mi lawting hidi'n ei dawi zing hi. Lalpa'n A thu ei malsawm piak chiat to hen, Amen.

(Zia article ziktu Rev. S Lianminthang hi i Kochuam apat IEM Missionary a sem Arunachal State S ecretary tu lai a hi.)

KHRISTIAN INNSUNG/INNKUAN NUAM UMZIA LEH HINATE

*Rev. Dr Hangpi Manlun
Executive Secretary, Zou Synod*

1) Thumapui:

Awle, i thupi'u Khristian inkuan siamphatna ding a nule-pa mawpuakna tihi tulai igam dimun et in i kul-leh-pawimaw mama khat uh a hi. Chuleh, inkuan nuam chu hung pawng um mai ding a hipua, asung a chengte'n taksa-leh-thagau a pan ilakna ziak ua hung umthei ding a hi bep hi. Chun, nu-le-pa khen khatte a ding in i chate hinkhua'u siamphatna ding in kikhel in i vaigeita maithei ua, a hin I tute chung bek ua etkawlna mawpuakna I nei thei naiai ui ti i hiatmil lo ding uh a hi.

2) **Baibul in inkuan agendan.** I Lekhabu thiango masapen uh (Genesis) chu inkuan thu in akipan a, atawp na Thupuan (Revelation) chule inkuan thu ma in atawp hi. Zia ziak chun, inkuan hi leichung um til apat um, government-te, school-te leh kipawlkhawmna chuamchuamte um masang a le um masapen a hi. Chuleh, i Lalpa Jesu ngeile inkuan ala ngaikhawk hingei ding a hia, leichung ah kum sawmthum le-thum (33)-vel a damsung

in le kum 30-tak insung nasepna buai hingei ding a hia a chanchin, imu puau.

2.1) **Khristian inkuan pawimawna asang deudeu hi.**

Lekhaziktu khat in "Khristian inkuan chu a lawmpi (group) a, i gen uh a hin amun diktak a, ibuapi peilo uh a hi" ati a hi. A dik ma ma a, biakin leh holimnate lak ah i gen zing ua, a hin amun diktak ah kuaman I sempei taktak puau. Rev. John Stot in, "Leichung leh Kochuam

phawt mai ding, Joint Presbytery Khawmpi ahi leh chu a buaruak etthak to takdi ding a tiu hi. Bial/Presbytery Secretary leh Treasurer te training kha nei guat ham ding, chuleh Office in ala patdaw YouTube Ministries chule Media Ministries ti ah sandanglam ah thei dan dan ah chia zawm zel ding a ti'u hi.

4. **Finance Committee:** September 9, 2020 nin Finance Committee chut ahia, Area Office leh Rostad Memorial High School lamin kum 2021-2022 Budget Estimate a siam uh chu thilkhawmna nein Synod lam ah tutto thei a hi.
5. **Khristian Labu Consultation:** October 16, 2020 nin Khristian Labu Revise Edition a ding ah Consultation meeting nei a hia, member ten gunchu tak ah a hun guanggal teu chu thil in dawî dan genkhawmna a kinei hi. Zia la thu te, Sol-Fa te leh a theology lam haw le hung entup ah hung zutmam ding in Rev. P. K. Lianmang, Upa B.T. Khampu, Upa Genlallian, Upa Nengsuanthang, Rev. Nicky Lalremmawia, Rev. C. Lalrinliana leh Rev. Malakia Lalnunfela te guat a hi'u.

GUWAHATI PASTOR

Synod OM in ei sawlpiak Rev. PK Lianmang leh aji Mrs Niangtinnei te chu Guwahati Kochuam enkawl dingin October 31 ahin flight ah lengsuk ding ahi tau. Kochuam laminle lim takin ala thil ui.

November 1, 2020 Pathianni ahin Rev. Michael in Guwahati pastor dinga ala kawidet ding ahi.

October 28, 2020 (12:30 Noon) in Area Office apat thakdawna staff ten Administrative Secretary Rev. R. Lalhmingsanga makaina in a nei ui.

Rev. PK Lianmang hi Assam & Arunachal ah missionary masa hi ah hun sawtpi a um ban ah Deradhun ah Pathian thu zil ahia, Delhi pastor ahi ta bawk ah English, Hindi, Assamese te ahin haksatna nei keilo ahi. Pi Niangtinnei hi Vaiphei artist masa lawi ahia, Lian/Rose te haw tawh amau lawi hi All India Radio Vaiphei program eila suklul piak te kha ahii.

Guwahati kochuam in zia guala mifel leh suanum pastor ah a nei ding uhi kipakpi aum khawp mai hi.

KOCHUAM HUANG

1. BD Zo thak: Senate of Serampore nuai ah Pathian thu zillai te result a suak ah, i kochuam sung ah khanglai fel tak tak 6 in Bachelor of Divinity (BD) Second Class in a hung zo ua, kipakpi a um khawp mai u'i.

- a) Tv. Dolallem, Gangpimual:
United Theological College B+
- b) Tv. Minthianboi, B. Tuallian
Aizawl Theological College B+
- c) Nk. Grace Lamthienhoi, Jiribam
Aizawl Theological College B+
- d) Nk. Unice Tinglemhoi, Compound Veng
John Robert Theological Seminary B+
- e) Tv. Genlemthang, Compound Veng
TruLock Theological Seminary B+
- f) Tv. Golian Vaiphei, Bethel Veng
TruLock Theological Seminary B

2. Presbytery Khawmpi matzaw hita: October 09-11, 2020 sung a khan Mizoram Presbyterian Kochuam chun Presbytery Khawmpi felt akin mat zaw chiat thei ahi.

Lamka South Presbytery chun Lingsiphai Kochuam in a mang ua, Kochuam Upa panga (5) namdet in, Kochuam Upa pathum (3) puanlat ahia, Probationary pastor kidawn pakhat Synod ah a pelut ua, Pro Pastor kham namdet ding dawtna anei bawk u'i.

Lamka North Presbytery chun Dumlian Kochuam in a mang ua, tuchung ahin Kochuam Upa namdet a nei puau a, Chalbung kochuam Upa pani hi ei kipemsan u'i ti thu dawn ahi.

Phaiپی Presbytery chun Sharonphai Kochuam in a mang ua, Upa pakhat (1) a namdet u'i.

Chuleh Tanggam Presbytery chun Phailianbung kochuam in amang ua, Kochuam Upa pani (2) namdet in, Kochuam Upa pakhat (1) puanlat a hi. Chuleh Probationary Pastor khat namdet ding dawtna a nei bawk u'i.

3. Joint Presbytery Committee chu: October 15, 2020 ni khan Joint Presbytery Committee chu hun haksa thim ziang leh le chutkhawm ahia, I kochuam chia zel na ding thu tamtak genkhawm ahi. Kumsin ah ah i la mat sek uh Music festival leh Pastor Zite Seminar kha neilo

hawina ding in inkuan hawi i pawirnew ua, insung a hawi leh Kochuam Leh leichung le ahawi hi" ati a hi. Ziabana, Rev. Dr. Kenneth Chap chun "Leichung chu bang tigual a um ding ahem, ti mai le hilo in, tulai tak leh dan tak leh, leichung hung umto zel dingdan etna (machine) chu insung a hi" ati a hi. Colson in ziagual hin agen a, "thildang hangma'n inkuan dinmun luazo puanna, inkuan a um lo leh chate'n hinkhua bawldawna ding in kingakna anei puau, inkuan panglo hindan ding a he puau, a hinkhua'u puitu ding chu (taksa utna leh nawptatna a hi mai hi" ati a hi.

Nikhat Henry Grady in Washington khawpi a vaihawmna In Lian (White house), chu a vak mu kha. Lamdang sa takin, "Zia Inpi hi maw i chi, i nam leh i gam (USA) piandawna bulpi, Pathian mitmu a nam lopi leh thupi bul kipatna chu" ati a hi. A hin, hun chawmkhat sung in thingtang khawkhat ah a va khualjin a, azin tunnate

chu Khristian hawitak a hui a, a In neipan a zi leh chate Pathian thu athu jaw dan leh gam leh nam a dia ala pauchap zing a hidan ahung muphat in "Eh gulichang (marble) akisa In thupi, i gam thiamna tung dingtu ka tia, ziagual a Khristian Inkuan hawi takte ziaka US gam kitung ding ala hijaw a hi" ati a hi.

2. ii) Khristian Inkuan kingakna (Foundation) chu Jesu Khrist a hi ding a hi.

Inlian leh lopi tak sa ding in amasapen in a kingakna (foundation) chu apawimaw masapen hi. Achutilo leh chawmlo kalin pukmai ding a hi. Ziagual ma chun, i Inkuan kingakna uh i Lalpa Jesu chiding a hi. Billy Grahamin "La Inkuan kingakna uh Lalpa Jesu a hilo leh dantak le haksatna huipi in ahung muttak le dingdet zolo ding ihui" atia a agendik mama hi.

Tu hin Insung hawina dinga nu leh pate mawpuaknate ngaitua/ gen ding I hui.

3) INKUANTEKHINALEH HINA CHUAMCHUAM TE GEN DING I HIU:

3.a) Insung chu kipakna mun a hi: Mizosiate chun i mizia uh hawi leh hawilote chu i Insung ua kipat ah i khan dawpi uh a hi. Environmentalists-te chu Insung (Boruak) bawl chu a kul leh a pawimaw thu aha gen tn. Adiak in naupangte a khan hawina din akul sem a hi. Watson chun, “Naupang bang-ti hung pia un, hung siam daw piak ingka” a ti hi.

Tulai naupangte leh nungak-tangvalte'n Insung ah kipakna ahawl ua, amulo jiak un kipakna hawl in lawi gilote, drugste, zu, No. 4 leh gitlona tincheng bawl in a hinkhua uh a mang uhi. Bible ah chapa taimangpa'n le a Insung nusia a kipakna bawl a mundang-gamdang a, ava umlai in, a tawp ah Vawk kuang bul ah gilkiel in ava thi ta vang a hi. a hi'n a Inlam a, ahung kilekit phat in puan hawipen silSak in a um a, kengtawdap thakte, khutsebi thakte leh vawk an duchapa

chu bawngno thautak sa ne in a umtai. Chapa taimangpa chanchin pat hin a Insung chu kipakna leh damna mun a hi dan i muthei uhi (Lk 15:11).

George Moore in, “Mite'n limna leh kipakna hawl in a Insung uh nusia in muntin ah vakvak maleu atawp a, a Insung ahungtung taktak phat le kipakna taktak mu bep ding a hi” ati a hi. Samuel Johnson chun, “La Insung ah kipak in, mundang a limna leh kipakna abukim puai, Insung a limna leh kipakna bep chu thillop a hi” ati a hi.

3.b) *Insung chu Skul (School) pawirnewpen a hi:*

Gamsa leh ganhingte khu apian ua kipat chawmlo kal sung in a pite tawh a kikhen pai sek ua. a hi'n, ei mihingte vang i nute angsung ua kum li (4) bang i um ua, ziazaw chule hawitak a etkawl leh kep i ngai nalai u'i. Zia chun Inkuan pawimawna a taklang hi. Laphuaktu in, “*Mihing beplo chu kuama*

pha lam ah i hinkhuau hi a sukdanglam a pawimaw hi.

Hebrai ziktu'n, “lungthim ah i ngaitua leh i lungtupe a hia thei ngal hi” a ti hin sia leh pha, dik leh dik lo i gendaw ma'n le lungthim ah um zosia Pathian Thu chun a mu suak kei ta ahi. Pathian ma ah bangkim hi ngawnchang leh kihawngsa kilang zing ahi (Heb 4:13).

Mihingte hi i chengkhawm a, i sepkhawm tam chun i lungthim leh i ngaituanau ikihiatpi deu uh a bang hi. Maleh i lunggil tak tak hi chu kuaman ei hia suak thei puai. Eima ziang inle bang i lunggel i kihiat lo châng a um sek bawn hi. Eima zisng le kihechian lo, boruak zil ah lungthim leh ngaituana kitheng zung zung te ihiu. Himaleh Pathian Thu chun i hinna sunggil pen, i ngaituanau le a hesuak kei hi. Ziakiachun eima ngei ki-etchianna ding in Bible hi taksan um pen ahi. A guk ah ngaituana pha lo leh fel lo i vawp zing lona ding un Pathian thu hing ngei hi sim mun ding ahi. Ki etchianna lîm-et, lampi kawkmutu chu Bible hi ahia, sim mun

leu hin, thuhing ahi zia kin i hetchian lote hechian in, hindan dik tak chu mu zel ding ihiu.

7. Khaikhawmna

Khawvel ah lekhabu pha tak tak, mihing hinkhua kaihuaina ding ah pawimaw tak tak um maleh Pathian thu ahi lo zia kin un Hinna ei pia thei puau. Pathian lekhabu Thiangtho, Bible vang chu thu hing ahia, lampi zosia ah kingakna tak thu lûl ahi. Ziakiachun Bible lûlna hi i hiat daw thak ua, hinkhua kaihuaitu ah i mat uh a pawimaw ma ma hi. Bible hi hawvel pumpi lekhabu kizuak daw tam pen ahi zinf hin thu hing ahi zia s taklang hi. Eimate hin Bible hi i ngainau in châwk le i chaw tam ma ma ui. Bible hi kawihe a, vengbit mai mai lovin, nasa takin sim leu hin, malsawmna tam tak dawng ngei ding ihiu. Bible hi Pathian pawl na leh hinkhua kaihuaitu in mang zel hitiu. Pathian Thu chu a hing ngal an!

Gingtute hin dik leh dik lo, pha leh pha lo chungchang ah kinialna nei zing di ihu. Pilna leh thiamna ah i sang ma ma tau a, i kiang vel ua sakhaw dangte biak dan, hindan leh hinkhawm dan ahin le hi di leh hi lo di i hiat theina ding un, ei kaihuaitu ding Bible thu hing hi i et mun uh a kul hi. Umdan dik leh pha hiatna ding, hi ding ah pha leh pha lo, gen ding ah dik leh dik lo hiatna ding ah ei kaihuaitu pha pen chu Bible ahi.

6. Pathian thu apat in bangkim a kichian hi

Pathian thu thilhitheina pawimaw tak khat imu kit uh chu 'i ngaituana leh i thiltupte a hiat ngal thei' hi ahi (Heb 4:12). 'Hia ngal thei' ti hi Grik pau ah 'kritikos' ti ahia, a umzia chu a dik leh dik lo pilváng tak ah phet/khawi vel ah, suichian nung ah dik leh dik lo genchian bep tina ahi. David chun, "Aw Lalpa, nang in lei en suak kei ah, lei hechian tai. Nang in ka chut leh ka din la hia'n; gamla tak ah kipat in ka ngaituanate la hia'i" (Sam:139:1-2) tiin Pathianin a hiatchian zia a

gen hi. Siamphat kochuam chia dan hun guanggal tu John Calvin chun, "Pathian Thu in a hiat phàk lo leh a khawi phàk lo khawp ah lungthim tâk, det leh kiselgú mihing ah a um puai," tiin a gen hi.

Ei uh khristiante hi Bible ngaina ma ma i hui a. Bible Society ah le India gam ah a bawl hawi pen chu Mizote a hui. Bible siam leh hawp daw bep chule hi lovin nungak - tangval suan um tak tak Bible zil ah a hun pumpi Pathian nasem ding ah kipia le tam tak a um ui. Bible zilna mun lut theilo ten le Bible bu pumpi sim suak in, 100-vei val sim suak le a a um tau! A sim bep hawmthaw ah a zik ah zik suak kei le tam tak a um ta bawk ui.

Chutia Bible i ngainat ua, i buaipei ma ma lai ua hin Bible hi Pathian thu hing, i hinkhua kaihuaitu leh siamphatu ahi ti i hiat daw thak uh a pawimaw hi. Thugentu minthang D.L Moody chun, "I hetnau belapna ding ah Bible hi piak ihi puau a, i hinkhuau sudanglam ding ah piak i hi zawu," tîin a la gen a, a dik khawp mai. Bible hin a

zilsak a ngai puau" atia la a phuak khu a dik ma' ma hi. Zia zia chun, Insung skul ah chun nu leh pate chu ziltitu (teacher) a hi ua, a zillai bu le a hi ngal uhi. Nausen khu a nu leh pate zilsakte gual guala khanglian ding in, a nu malchung ah hinkhua a hung pan a, apiak zosiau ne ding in, akam akah, a hil zosiau zui ding in a lungthim a kihawng zing hi.

Margaret Destruck in, "*Ka nu khan lekha a zik ngai puau, milim le a zik ngai puau, a hi'n a hawina leh ngilneina leh a khut dam tak kha ka hinkhua tungdingtu a hi*" ati a hi Zia zia chun, Insung chu naupangte um ding dan leh pilna-Thiamna a muna ding ua kiziltitna mun umsun a hi.

Pathian in le Inkuan sekul chu a thupiakte zuina mun ding in a dawi hi. Zia a thupiakte chu Insung a hiltu ding in nu leh pate a ngansie a hi. Zia thupiakte chu... "la cha la naute uh hil unla, In a la imut un le la vakdaw unle, la chawldam hun unle,

na lasep hun unle hilzing un; La kawtkhakte unle jik un" ati a hi (Deut.11:18-20). "I mittha un Judate kizil dingdan ngaitua leu hin, nisin hunsin in nute'n a chate uh Pathian dante a hil un a zilsak ua, anute uh nawitui tawh Pathian thu a mekhawm sak ua, Juda naupangte lungthim ah chun dan thu chu a lungthim ua a kitudet bek tak zia kin amin nangawn uh le dan thu sang in a hemil baizaw'u" ti'n agen hi (The Daily Study Bible- II Thu. 3:14-17).

John Randolph in, "*Ka neulai in kanu'n ka khut a tu, a kiang ah ei khupdinsaka, Kapau uh van a um ti a ei hil sek khu bedawk lo leng Pathian um chu gingcha lo ding ka hi*" ati hi. chuleh, Miss Lynch in, "*In chu thiamna ziltitna mun hawipen leh pawimaw pen a hi*" ati a hi.

3.c) Insung chu sawlkar pawimaw pen a hi: Insung kivaihawmna chu a hawilo a, a kituplo leh sawlkar lianzaw le a dikthei taktak ngai puau.

USA gam a numei Poitician minthangtak Albert Barkitry le gam leh lei a it ma ma a hi. Azinna a kipat in a pawshal chu lekha a thawt a, *“Sim bial zosia ka chuansuakta, mal le chawtsuak ka guai”* ti'n a pawshal lekha a thawt hi. Apawshal in *“Ngai um, i gam la lungsiat ah vei tak tak la hi leh leh kintak in hung kit inla, i an huanbuk apat in pan in”* a tisan hi. Tulai in zianu gual deu a, gam leh nam vei/ lungsiat kiti a, in leh lo, zi leh cha dawnlo zen a, i um sek khu i bawlkhial lian pen uh a hi.

3.d) Insung chu thaichi kedawna mun a hi: Mrs. Manpal in *“Naupang chu thaichi a hi”* ati a hi. Nu leh pate nisin in i umdan leh paudante'u chu i chate'u lungsung ua thaichi i tu na uh a hi. Zia zia chun, thaichi tu chu nu leh pate i hui a, a i tuna mun uh chu naupangte lungsung a hi. Bible in, *“Chanu in anu Sûn”* ati a hi (Ezekiel 16:44). Nu-leh-pate'n i chitu ua i pilvanlo uh le danle thaichi hawilo leh

sual i tu khak ding uh a lau um hi. Bible in, *“Mi'n a tu tu at ding a hi”* ati a hi. Bible sung ah Nu lopi taktakte'n le a chate'u chu a neu apat a, ala etkawldan uh mu ding a tam hi. Hannah, chu nute adia ettawntak a hia, a chapa Samuel chu Pathian kiang ah a dawn a, ama kiang ah a pekit a hi. A chapa chu a an piak laite, nik-leh-puan a aksaklai in le Pathian thu hing a tu zing hi. Zia gual a chun, Mosi nu Jakobet in le a chapa a kep laitakin, Pathian gin dingdante a hil a, ziaban ah, chi-leh-nam ngainat dingdan le a hil hi. Tichun, Aigupta pilna leh thiamnate kum 40 a zilzaw in a nu chitute kha ahung kekdwak ta a hi.

Bible in *“Naupang chu a chiana ding lampi dik zilsak lechin, a tek flung tiang inle thasuak ta puanah,”* a ti a hi (Proverb 22:6). Chuleh, Timothy le a nu leh a pi etkawlna jia a milawting a hi thu i mu'u a hi. Sap thupil in, *“Naupang kum 7 a hi masang a, i etkawl leh a damsung in ei*

zel lak ah i bitna ding un le Bible hi galthuam ahi ti hiazing hitiu. Pathian Thu hi galthuam lau um pen ahia, a sang ah hat zaw leh muan um zaw um thei lo ahi.

5. Pathian Thu chun a khendan thei hi

Pathian Thu hing thilhithe i zia klatna pakhat kit chu dik leh dik lo khendan theina a nei hi ahi. Chemjam mang in taksa leh thagau, gú leh theng hi sutkhen gua leu hin khen thei puai tiu. Maleh Bible, Pathian Thu hing chun a sunkhen thei vek hi (Heb 4:12).

Tulai mi khenkhat in taksa, lungthim leh thagau hil khen thei hiin a gen ua, i taksau thil bawl chun i thagau hinkhuau a khawisia zo puai ti hial in a zilti sek ui. Zia chu Bible in ei hil dan uh a hi puai. Taksa leh thagau, gú leh theng sunkhen chu Pathian Thu, Bible thilhithe i zia genna, chemjam sang ah Pathian Thu chu hiamzaw ahi zia hilchianna kampau mai ahi.

I chennau khawvel hi bangkim umkhawmna ahi

tâk ziakin thil dik leh dik lo, mi pha leh pha lo khendan a haksa tak zet tai. Pathian Thu vang chun a tak leh a lem, thil pha leh pha lo, khendan in kumtuang hinna lampi a hilchian a, hinna apat in kichian takin thina lampi a khendan hi. I Pastor uh pakhat sakhaw dang apat khristian ah hunglut thak chun, *“Bible ka sim apat in Jesu chu kua ahi ka hechian ta, ka hukdamtu in ka pawm ta ahi,”* tiin a gen hi.

Kum 2020 ahin khawvel pumpi Covid-19 ziakin i bual ma mau a, i zâwt khák lo uh lampi a zâwt ua, i malam hun diu le i ngaitua thiam thei ta puau. Mithiamte leh chinchai he zaw ten hindan thak ah hing dingin ei hil ua, i hindan pangai ah um thei lovin i um ua, i malam ua bang hung tung di ahem i he ta puau. Khawvel hi bang tin a chia zel diam ti ngaitua hin hetthiam a haksa ma ma hi. Ziagual hun haksa, lungthim buai leh mangthai ding dinmun ah i um lai ua hin Pathian Thu hing hi a pawimaw diak hi. Sam ziktu chun - *“La thu ka keng din thaumei abin, ka lampi di'n vâk ahi”* (Sam 119:105) tiin a gen hi.

chu malai galthuam lau um pen ahia, chemjam hiamtua vang vang chu lau um diak in a. Rom sepai gâl dote chun chemjam hiamtua a mang sek ua, zia galthuam lau um tak chu Hebrai ziktu hin Pathian thu tawh a tekhn a, chemjam hiamtua sang in le a hiam zawi ti'n a gen hi.

Bible thilhitheina genna chemjam hiamtua a matna ziaak chu sunggil lam a lut thuk thei ziaak a gennawp hiin a kilang hi. Chemjam hiamtua chu thil satna phatchuam tak ahi gual in thil vina leh ât dal nan phachuam ma ma ina. Bible hin le mihing hinkhua suk kek mai hiloin sunggil lam a khawi a, taksa leh thagau, gú leh theng na tiang a sun let thei hi.

Gingtute chu gâl do zing ihu a, i galthuam uh lau um pen chu Bible hi ahi. I gam uh ne siatu nèkgúkna leh lepgúkna i do nau, zu leh khamthei matsualna ah kivenna, hinkhua pawlchena leh thagau lam hinkhua ah kithadaina lak ah i kivenna ding un Bible thu hing, thilhithe leh hiam tak chu galthuam ah i mat uh a

pawimaw hi.

Setan lénggam phelna ding leh Pathian lénggam din ding ah gâl i do nau ahin Bible sang ah galthuam pha zaw leh hât zaw a um thei puai. Bible chun i pháak nau leh i lút thei nau sang ah thúk zawn mihing hinkhua a lutchil thei a, zalen tak ah i lut thei lo nau Communist kulpi, Hindu kulpi ziang chule a lutchil vek thei hi. Mi gilo pen lungthim a siampha'n, mi lulúl leh lung tâk pen chule a zo sek hi. Jeremiah 23:29 chun, “Ka thu hi mei tawhbang leh, suangpi khen phel gei gui thei, sek tawhbang hilo a hem? Lalpa ‘n a tii,” a ti hin a genchian ma ma hi.

Khawvel masawna sang zel ahin kingakna tâk hi ah kilang pilna, thiamna leh guanggalna chi chuam chuam a pung zel a. Bible ziltilna leh kaihuaina ngaineptu i pung zel un a kilang hi. Hinkhua kaihuai ding ah Bible pawimawna hi i gen tawm hiai hiai ta bawku ui. Ziakiakchun, Bible ziltilna hi galthuam pha pen, soal leh a hátna zawna ahi dân i gen tam uh a pawimaw hi. Khawvel سوالنا hung pung

a, a hiden a, a hi'n naupang kum 13 chu a nung I delpha ta puai” a ti kit hi.

Tulai, nu-le-pa tam takte sum-leh-pai ngainatna lam ah cha-leh-naute enkawl manlo a sum-le-pai hawla buai i tamtai. Ziagual nu-leh-pate chu Martin Luther in Ostrict (Vakengsang) tawh a tekhn hi. Vakengsang in tui a thak zaw phat le a tui chu nusia in a ngaisak kit ta puai. Tulai nuleh-pa tam takte cha-leh-nau nei a, akeplam ngaisaklo i tam ua, ziachu thil da um ma ma khat a hi.

Chun, thildang la ngainat zawk ziaak a, la chate enkawi manlo leh amau ading a hun la piaklo leh dan le kisik ding la hi. Mrs. G. Christian chun naupang etkawlna pawimaw dan leh amau a dinga hun mat chu a mantam dan mu chiang mama a, ziagual hin la ala phuak hi. *“Lal chutpha lopi ma ah la din phat le thu kipak um tak la het ngei ding chu la hun beisate a thawn puai. Dawitakte zian (Vangam ah) la chate zosia kim takin*

a um chiat ui” ti'n a phuak hi. Zia ziaak chun, la chate chu vangam lampi ahem, gawtmun lampi ah la chiapi ding? La chate la etkawlna ziaka thildang la chan chu Pathian na lopi tak sem in kingaitua zingtan.

3.e) *Insung chu kochuam masapen a hi:*

Bible ah kochuam (Gk-eklesia) chu Pathian mite kipawlkhawmna genna a hi. Thuthunglui leh Thuthungthak ah khun, insung chu mimal malte kipawlkhawmna masapen a hi thu i mu'i. Chuleh, umzia neitak a phu a hijiak in kochuam masapen le a tithei hi..Ajiak chu masanglai a kipat in insung chu sakhua thugin kiziltilna mun ala hijing hi.

Zia ziaak chun, insung ahawilo a hileh kochuam le a hawi thei tak tak lo thu le i gentau a hi. Eima insung dawnlo leh ngaisaklo a, Pathian nasep chu Setan dawilam tak a hi. Pawlam a Pathian na um i sak lai un eimau

insung ah Pathian nasep haksa i sa ua, Setan in insung ah Pathian na i sep ua, i lawtin ding uh chu nasatak in ei dal zing hi. Insung a kikhawpna leh pauchapna nei theilote'n le biakin leh mundang ah i nei thei tho u'i. I zi leh i chate, i nu i pate uh sang in midangte i ngaikhawkwaw ua, insung a thagau mangthaite veilo in, gam chuam a thagau mangthaite i veizaw u'i. In thagau veilo in gam thagau ivei uh chu a dikpen a hipuai. Chuleh, Pulpit leh mun dangdang a tuitak a thu i genthei lai un, i insung ua gen ding helo in i um kit u'i. Pastor khat in, "Mun dang leh Biakin sung a Pastor leh Pathian nasep chu nuam kasa, a hin, insung leh zi-lehchate lak a Pastor hi chu thil baksa kasai" ati a hi. Agen dik mama hi. Susanah Wesley in, "Setan in insung ahung dolbeina izaw leh zalen ding i hui ti ka hiai. Thagau gilo leh sualte zothei dingin insung ah nasatak in pan i lak ding uh a hi" ati hi. Zia ziak chun, eima chiat lawtingtaka Pathian nasep chu Lalpa ei dawidan a hi.

Chuleh, Pathian thu a taka i suklatna ding uh chu i insung uh a hi ding a hi. Bible in, "*Lungnemtak in kihawmthaw tua unla, khat-le-khat kingaidam tua chiat tau un, Pathian in Khrist ah nang uh le a hung ngaidamta ngal a*" (Ephesa 4:32) a tithu hi Insung a, a tak tak a zui ding a hi. Ei un vang mipi tamna munte, Biakinn leh mun chuam chuam ah in a hawi leh dik in i kilak un, a hinla, i Insung ua i gial/ zia uh a dawj jel sek hi. Ziagual mite chu Jesu'n Pharisaita tawh a tekhnin hi." *Thansung ah gu bulawm a pumdim, a pawlam a kijut vam tawh a tekhnin hi.*" (Mat. 23:23-28). Aziakchu, adiak in kochuam puitute a dingin, Bible thugente hi a taktak a i zuina ding leh sepdaw na ding mun chu i Insung uh a hi. Ahetu maite hilo in a jui leh a zawmtute le i hiding uh a hi (Jak. 1:22-25). I insung ua i lawtinlo ua leh mundang a i lawtinna chu a bukim zo taktaklo tina a hi.

3.f) *Insung chu Pathian nasepna mun (Pulpit) a hi:*

nei sek tina ahi. Pathian thu hi Pathian kam apat pawt ahi zia kin Pathian daw lam a hi lawting sek hi. Isai 55:10-11 chun, "Van ah kipat vûk leh gawtui a zuk a, lei a chapno ah, buchi the'pa â ding ah thâichimu, a hun kêdawsak ah, nêk ding ah vaithum a pawt daw masia, a kile'kit lo gual in, zia gual tho ah chun, ka kam ah kipat ka thu pawtdok sa chule, a thawn in kile'kit ziang pua'n tin, ka hi'guat chu hun hi'zo intin, ka sawlna lam lam ah chun, a thil hi'ding zosia chu pha tak in mualsua in a," a ti.

Huan ah thai te, hampa-lohing te hi hinna nei ahi ziak un, a khang un, a dua a hung pul in, a hung sel kit un, hung pâk in, ga a hun sua sek ui. Aziakchu van apat gua hung zu sek chun a châwm sek ahi. Ziagual a chun Pathian thu hi gingtute châwmtu leh thilhithei ah siamtu ahia, nasepna gasuana ding in a pawimaw hi.

Chanchinbu leh television apat in thu hiat ding ah pawimaw tam tak, tuanthu ngainuam um tak tak leh lâ phuak thiam takte thusâm te hin i lungthim

uh a zo ma ma in, i lunglut sek bawk ui. Himaleh thu hing, thilhitheina nei ahi lo ziak un ei hukdam thei pua, kumtuang hinna ei pia thei puai. Pathian thu kumtuang Pathian kam apat ah hung pawt chub ei hukdamna ding in, thilhithei a hithei hi.

Bible hi thuzik naran mai ahi pua, Thagau Thiangtho namdet thagau lam an ahi. Min Thagau Thiangtho panpina tawh a sim chun hinna lampi a mu sek hi. Billy Graham chun, "Lekhabu khenkhat chun het tamna ei pia, khenkhat kit chun siamphatna ei pia, Pathian thu vang chun hinkhua kisan danglamna ei pia'i," tiin Pathian thu hing, thilhithei ahi zia a gen hi. Pathian thu hi a lui thei pua, a pawimaw ngai in a pawimaw zing a, a hát in, thil a hithei hi. Sim ah pawm tute hinkhua sân danglam in a um sek hi.

4. Pathian thu chu galthuam ahi

Pathian thu chu thu hing leh thilhithei ahi bák ah chemjam hiam tua sang ah le hiam zaw ahi (Heb 4:12). Chemjam

sek; i Pathian uh thu vang kumtuang ah um zing ding ahi” a ti (Isai 40:8). Pathian chu kumtuang mihing ahia, a thu le kumtuang thu hing ahia, thil dang mangthai maleh hing zing ding ahi.

Hebrai lekthawt ah “Pathian thu hi a hing a” ti hin Pathian thu thilhithei zia, tu le thuhing, hing zing zel ding ahi zia leh gasua zing ahi zia a genchian ma ma hi.

Pathian thu hi sual ah púk, hinna nei talote suhing a, hinna piatu ahi (Ep 2:1-2). Peter chun, “chi sia thei lak ah hi loin, Pathian thu hing zing leh um zing, chi thei lo lak ah piang thak la hi zaw hi,” tiin a gen hi (1 Peter 1:23).

Mihing in Pathian aw i hetthei nau chu Bible hi ahi. Pathian helo leh a thu helote gingtu ah siamna ding a chun Bible hi i hetsak uh a ngai hi. Bible zik ahina pen chu Jesu chu Khrista, Pathian chapa ahi tia ging ah a min ah Hinna i neina ding uh ahi (Jn 20:31). Bible hi thu hing ahi ziakin khawi mun hileh, bang hun ah le a hing zing a, missionary te thuhilna mun ah a takin a hung lang dawk sek hi.

Bible chuchanchinpha hilna matchâk hiam pen ahia, mite gingtu ah siamtu thu hing ahi. Ziagual a chun Lal nasem ding ah lampi zawt laite hinkhua suhing a, suhat tu le Pathian Thu bawk hi ahi. Gingtute hin chau chang nei sek maleu hin le, ei suhing thak kit sektu chu Pathian Thu ma ahi sek hi.

Léng David chun, “LALPA dan chu a pha bukim a, hinna a siampha sek; LALPA thuhetsak chu a ginum a, mimawl a hi pil sek hi” tiin a gen hi (Sam 19:7). Pathian thu hing Bible ah kizikte hi ei uh â ding in a lul ma ma a, dangchâk ten tuibawm tui a dawn ua a hal huai huai gual un, thagau ah gilkiak leh dangchâk te suhaltu chu Bible hi ahi.

3. Pathian thu chun thil a hithei hi

Bible hi thu hing ahi ziakin thil a hithei hi (Heb 4:12). Hebrai ziktu’n “thil a hi thei” ti genna’n Grik pau ‘energes’ ti a mang hi. Zia chu ‘thá’ (energy) ti paumal hung pawtna le ahi. A umzia chu Pathian thu hi ‘tha hât tak’, a hing zing, che zing, thil hi

I gensa gual un kochuam sang in insung hi a upa jaw, Zia zia chun, Pathian nasepna le insung apat hiding a hi. “*Insung chu nu-le-pate a ding in i Missionary Field uh a hi. Chuleh, sem dinga i kipiakni uh chu i kichen ni uh leh chate baptisma i chansak ni’u a hi. a hin, insung a Pathian nasepna i ngaikhawlo jiakun i bawlkhial zo tau*” ti’n Rev. Vanlalzuata in a gen a, agen dik mama hi. John Green inle, “I chate’u utlo sa sa in gucha dingte, nawchi zuak dingte in i sawi jing ui” a ti hi. Khatvei chu tangval gilo khat khailup dinga umpa kiangah, Kua ahem la mu nawppen? ti’n a dawt ua le, Ama chun, “*Ka nu ka mu nuam pen hi*” ti’n a dawng hi. Anu amu phatin zia gual hin a genta a, “*Nu, en in Court vaihawmtu in ei khailum puan tin, nangma ka nu la hi ei khailum jaw*” ati a hi. “*Ka naupan lai in, ka thilmute kipak tak in la lazel a, zia chun gukchakna lungthim ei putsak ta a hi. Ka thilgukte kha kipak tak in la la zela, a tawpna zia mun khailupna dawkan a hin lei dingsakta a*

hi.” a ti ta a hi. Anu a ding in a vaigei in a kikhelta a hi.

Zia zia chun, insung pulpit ngaisaklona chu sualna leh chate manthaina tuntu a hi. H.C. Anderson in, “*Tualthattu za a sawmgiate khu insung kietkawlna hawilo apat a tualtha utna lungthim nei a hii’i*” ti’n a gen a hi. D. L. Moody chun, “*Ka nu’n ei etkawl gual a hin nu dangte’n le a chateu enkawl leu, suangkul ngai puana*” a ti a hi.

3.g) Insung chu sual dona mun hawipen:

I thupil un, “*Sakhi a pi a san leh a no le a san*” a tigual in, insung kietkawlna a hawi leh mi a hawilo theilo a hi. Zia zia chun, i piandawna insung a kipatin gitlona chu a hawilam in i hung khanletpi tau a hi. Insung chu sualna leh gitlona kipatna a hileh gitlona dona mun ale i mat jawk ding a hi. I puk phat ua le i pukna mun laitak un i tho ua, i pukna mun chet un i tho kit sek puau. Zia zia chun, i gam siatna bulpi chu i insung a hijiak in, i insung i kisiamphat ding uh leh i

dinna ding mun le a hi.

3.b) *Insung chu leichung tena (Barometer) a hi:*

Billy Graham in. *“Insung khu leichung tenna (barometer) a hi ati a hi. Ziabana, insung a naupangte, mingaktel tangvalte kivan dante a kipat in leichung chiadan ding bang-chart ahem tiang a kihethei”* ati a hi. A umdan chu insung kivaipuakna a hawilo chun leichung hawilo leh setak ale cheng ding I hui” ati a hi. Zia-ban ah, kochuam hat leh hatlo le insung dinmun apat in a hetthei hi. Zia zia chun, insung chu tena(barometer hawitak a hi.

3.i) *Insung chu Vangam naipen a hi:*

Lekhabu ziktu khatin, *“Insung chu Vangam neu zaw a hi”* ati a hi. a hin, insung kituaklnate chu gawtmun teplawkna a hi kit hi. Mi khat in, Billy Graham kiang ah Van gam banggual in a nuam diam? tiin a dawnga. Aman a dawnga ah, *“Van gam nawp dingdan la hetnawp le ka insung hung en lechin hethei inla”* ati a hi. A va-et

leh a kituakdante uh leh nawp asak danteu amu in a pianthak lawta a hi. Chueh, Billy Graham in Camp, Crusade anei phat le Khristian Innkuan thu haw a gen khajel sek hi. Ziachun Insung a ngaikhawk dan a taklang hi.

Chun, Dr. Dehan in le insung nuam umdan ziagual hi a gen hi. *“Leichung a Vangam naipen chu insung nuam a hia, chuleh, insung nuam chu PATE a ding in, LENGGAM a hia, NUTE a ding in LOPINA ahia, chuleh CHATE a ding in PARADISE a hi”* ati hi. Ziabanah, Robert Schuller in *“Power Ideas for Happy Family”* ati hin, *“Innkuan chu leichung neucha khat gualin a gen hi. Papen chu Lengpa a hia, Nu pen chu Lengnu a hia, Chate chu Leng chanulchapa a hui”* ati a hi. Zia chun Pathian he insung dinmun leh hina tak a genlang hi. Zia zia achun, In chu khut a lam hia, a sung chu lungthim a zem a hi a kiti a hi.

Lalpan i zil zosiate hinpi thei a, gasua thei chiat ding ei malzawl taben!

BIBLE – PATHIAN THU HING

Upa Thangnghihlova

1. Thumapui

Zingkal lam a khan Bible hung piandaw dan leh Pathian thu ah pawm ahi dan i zil tau a, nitak lam ahin Bible hi Patjian thu hing ahi ti zil ding ihui. Bible hi malai mite thuzik kichawm khawm tuni tiang ah ila kawihе mai mai uh ahi pua, Pathian thu tak kizikna bu ahi. Pathian thu hing ahi zia Bible ma ma hin ei hil ua, Thuthung Thak chau ahin ‘Pathian Thu’ ti hi 39-vei a chuang hi. Bible hi Pathian Thu hing leh thilhithehi ahi zia mun tam pin a kimu’i (Mt 4:4; Jn 14:26; 2 Tim 3:16; Heb 4:12; Jakob 1:22; 1 Peter 1:23; 2 Peter 1:3-4).

PCI kochuam thugin I-na chun “Thuthung Lui leh

Thuthung Thak bute hi Pathian thu ahiu a, ziate chau hi ginna leh thil hi tena dik lo theilo ahi” a tia, zia chun i bible uh Pathian Thu ahi zia a namdet hi. I kochuam un Bible a pawm dan hi khawvel gam dang ah kochuam pangai te pawm dan a h8 tangpi hi. I ginnau leh i thil hiteu tena dik lo thei lo ahina hi i hiat daw zel uh a pawimaw hi.

Sawlchâk Paul chun, “Pathian Lekha thu zosia hi Pathian hatkhum ahi” zia ei hil ui (2 Tim 3:16). Bible hi Pathian thu hing ahi ti ei

hiltu chu Hebrai lekhathawt 4:12 - “Pathian thu hi a hing a, thil a hithehi a, chemjam hiamtua sang ah le hiam zaw, taksa hinna leh thagau, gu leh theng sun khen thei ahia, lungthim ah ngaituana leh thiltup te hi a hia ngal thei hi,” ti hi ahi.

2. Bible hi Pathian thu hing ahi.

Pathian leh a thu hi khendan thei ahi pua, Pathian hi a hing ahi zia kin a thu hile a hing hi. Isai chun, “Hampa chu a vuai in, a pâk chu a tuai